



Broj: 08-01-03/2-11-2-2804-8/22

Dana: 29.11.2022. godine

Na osnovu člana 70. stav (1), (3) i (6), u vezi sa članom 64. stav (1) tačka b) Zakona o javnim nabavkama ("Službeni glasnik BiH", broj: 39/14) i članom 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14), na Preporuku Komisije za nabavke iz Zapisnika o pregledu i ocjeni ponuda broj: 08-01-03/2-11-2-2804-7/22 od 28.11.2022. godine, u postupku javne nabavke "Nabavka kancelarijskog namještaja" ministar Ministarstva unutrašnjih poslova Zeničko-dobojskog kantona, d o n o s i:

O D L U K U
o izboru najpovoljnijeg ponuđača "HAFELE BH" d.o.o. Gračanica, za "Nabavka kancelarijskog namještaja"

Član 1.

Prihvata se preporuka Komisije za javnu nabavku roba, usluga i radova (u daljem tekstu - Komisija), iz Zapisnika o pregledu i ocjeni ponuda broj: 08-01-03/2-11-2-2804-7/22 od 28.11.2022. godine i ugovor za "Nabavka kancelarijskog namještaja", dodjeljuje se ponuđaču "HAFELE BH" d.o.o. Gračanica, sa ponudom broj: 08-01-03/2-11-2-2804-4/22 od 22.11.2022. godine i ponuđenom cijenom u iznosu od 64.240,00 KM bez PDV-a.

Član 2.

Odabrani ponuđač dužan je u roku od 5 (pet) dana od dana zaprimanja ove Odluke o izboru, na Protokol ugovornog organa dostaviti originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

Za ispunjenje uslova iz člana 45. stav (1) tačka a) Zakona, a u vezi sa stavom (2) tačkom a) iste odredbe Zakona, ponuđač mora ispoštovati slijedeće:

Shodno mišljenju Suda BiH od 21.05.2019. godine, upućenog Agenciji za javne nabavke, u cilju urednosti ponuda, a prema članu 45. stav (1) tačka a), u vezi sa stavom (2) tačka a) istog člana Zakona, neophodno je da svaki kandidat/ponuđač kumulativno dostavi potvrdu Suda BiH i potvrdu suda prema sjedištu pravnog lica, odnosno kandidata/ponuđača, iz razloga što nije definisan Jedinstveni registar na nivou Bosne i Hercegovine, u koji bi se upisivale pravosnažne presude za osuđene za krivična djela organizovanog kriminala, korupcije, prevare i pranja novca.

Stoga, obaveza je kandidata/ponuđača da, u smislu odredbi člana 45. stav (1) tačka a), u vezi sa stavom (2) tačka a) iste odredbe Zakona, dostave uvjerenje Suda BiH i suda prema sjedištu pravnog lica, odnosno kandidata/ponuđača.

Član 3.

Ova Odluka objavit će se na web stranici ugovornog organa (www.mupzdk.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 08-01-03/2-11-2-2804/22 od 02.11.2022. godine.

Javna nabavka provedena je putem otvorenog postupka javne nabavke.

Procijenjena vrijednost nabavke iznosila je 53.054,70 KM bez PDV-a.

Obavještenje o nabavci broj: 488-1-1-39-3-74/22, poslano je na objavu dana 02.11.2022. godine.

Sažetak obavještenja o nabavci broj: 488-1-1-39-3-74/22 objavljen je dana 11.11.2022. godine u "Službenom glasniku BiH", broj: 75.

Komisija za javnu nabavku imenovana je Odlukom broj: 08-01-03/2-11-2-2804-1/22 od 03.11.2022. godine.

Komisija za javnu nabavku sačinila je Zapisnik o prijemu ponuda, te Zapisnik sa otvaranja ponuda broj: 08-01-03/2-11-2-2804-6/22 od 23.11.2022. godine i Zapisnik o pregledu i ocjeni ponuda broj: 08-01-03/2-11-2-2804-7/22 od 28.11.2022. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenute Zapisnike, iz kojih je utvrđeno da su se do roka određenog za dostavljanje ponuda, 3 (tri) ponuđača prijavila na predmetno javno nadmetanje, i to ponuđači "LARIX" d.o.o. Doboj, "HAFELE BH" do.o. Gračanica i "R&s" d.o.o. Sarajevo.

Iz dostavljenog Zapisnika o pregledu i ocjeni ponuda utvrđeno je da ponuđač "LARIX" d.o.o. Doboj nije kvalifikovan iz sljedećih razloga:

- Ponuđeni artikl za stavku pod rednim brojem 2 iz Obrasca za cijenu ponude - uredska stolica, prema izgledu sa dostavljene fotografije nema naslone za ruku koji su kromirani i tapacirani, nego se radi o naslonima od PVC, te ista nije izrađeno od eko kože, nego od kombinacije eko kože i drugih materijala.
- Ponuđeni artikl za stavku pod rednim brojem 5 iz Obrasca za cijenu ponude - uredska fotelja, prema izgledu sa dostavljene fotografije nema kromiranu bazu, nego se radi o bazi od PVC.
- Ponuđeni artikl za stavku pod rednim brojem 6 iz Obrasca za cijenu ponude - ergonomski stolac, prema izgledu sa dostavljene fotografije nema mehanizam za podešavanje visine leđa, odnosno ponuđeni stolac uopšte nema podesivi naslon za leđa. Također, ponuđeni stolac nema kromirani naslon za noge, podesive visine.
- Ponuđeni artikl za stavku pod rednim brojem 9 iz Obrasca za cijenu ponude – klub stol, prema izgledu sa dostavljene fotografije ponuđeni stol je pravougaonog oblika, a prema opisu iz tenderske dokumentacije se tražio promjer tj. „fi 60“, odnosno zahtijevan je stol okruglog oblika.
- Za ponuđeni artikl za stavku pod rednim brojem 11 iz Obrasca za cijenu ponude – stalaze/police, nije dostavljena fotografija a kako je traženo tenderskom dokumentacijom (A4 format u koloru), nego samo kompjuterski urađena skica-grafički prikaz mogućeg izgleda tog artikla.
- Ponuđeni artikl za stavku pod rednim brojem 12 iz Obrasca za cijenu ponude – kasetna za radni stol sa ladicama, prema izgledu sa dostavljene fotografije kasetna nema centralno zaključavanje sa bravom postavljenom na jednoj ladici, koja zaključava ostale.

Nadalje, ponude ponuđača "HAFELE BH" d.o.o. Gračanica i "R&s" d.o.o. Sarajevo ispunjavaju sve zahtjeve ugovornog organa u formalno-pravnom, ekonomskom i tehničkom smislu, te su iste za ugovorni organ prihvatljive.

Dana 28.11.2022. godine sa početkom u 10:00 časova, u skladu sa odredbama Pravilnika o uslovima i načinu korištenja e-Aukcije ("Službeni glasnik BiH" broj: 66/15) započeta je e-Aukcija između ponuđača čije su ponude ocijenjene kao prihvatljive.

Početna rang lista ponuđača koji su pozvani da učestvuju u e – Aukciji:

R.br.	Naziv ponuđača	IDB/JIB	Početna cijena u KM bez PDV-a	Rang
1	HAFELE BH DOO	4210036970005	64.240,00	1
2	R&S DOO SARAJEVO	4200056290005	78.669,00	2

Aukcija je okončana dana 28.11.2022. godine u 10:10 časova.

Konačna rang lista ponuđača koji su učestvovali na e-Aukciji, kako slijedi:

R.br.	Naziv ponuđača	IDB/JIB	Konačna cijena u KM bez PDV-a	Umanjene cijene	Rang
1	HAFELE BH DOO	4210036970005	64.240,00	0 %	1
2	R&S DOO SARAJEVO	4200056290005	78.669,00	0 %	2

Rangiranje prihvatljivih ponuda prema kriterijumu za izbor ponude:

Naziv ponuđača	Početna cijena ponude bez PDV-a	Popust	Početna cijena ponude bez PDV-a sa popustom (prije e-aukcije)	Konačna cijena ponude bez PDV-a sa popustom (nakon e-aukcije)	Rang
HAFELE BH DOO	64.240,00 KM	NE	64.240,00 KM	64.240,00 KM	1
R&S DOO SARAJEVO	78.669,00 KM	NE	78.669,00 KM	78.669,00 KM	2

U dostavljenom Zapisniku Komisija predlaže ministru Ministarstva unutrašnjih poslova Zeničko-dobojskog kantona da se za javnu nabavku pod nazivom: "Nabavka kancelarijskog namještaja", razmotri mogućnost zaključivanja ugovora sa ponuđačem HAFELE BH DOO GRAČANICA, ovisno od raspoloživih sredstava u budžetu, a imajući u vidu da je ponuda ovog ponuđača za 11.185,30 KM bez PDV-a, veća od procijenjene vrijednosti nabavke ili da se poništi postupak. S tim u vezi, ugovorni organ ističe da u Budžetu za 2022. godinu ima raspoloživih sredstava za predmetnu javnu nabavku.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora "najniža cijena". Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama, i predmetnom tenderskom dokumentacijom

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana po prijemu odluke o izboru najpovoljnijeg ponuđača. Žalba se izjavljuje Uredu za razmatranje žalbi Bosne i Hercegovine,

putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u najmanje 3 (tri) primjerka.

DOSTAVLJENO:

1. Ponuđači, 1x-
2. Sektor za podršku, 1x.-
3. Spis, 1x.-

